

Script of Evening Gojri News Bulletin 22 August 2024 at 1700 Hrs

ايوننگ گو جری نیو ز بلیٹن مو رخہ 22 اگست 2024

یوہ آکا شوانی جموں ہے عبدالرحمن تے ظفر اقبال تیں خبر سُنو۔ پہلاں خاص خاص خبر۔

*1۔ سرحدی حفاظتی دستاں یعنی بی ایس ایف گا ڈائریکٹر جنرل دلجیت سنگھ چودھری نے جموں صوبہ مانہ بین القوامی سرحد ور اگلا بھارتی علاقہ گو دورو کر غے حفاظتی صورتحال غو جائزولیو ہے۔

*2۔ نویں دہلی مانہ اج جموں کشمیر تے ہریانہ اسمبلی انتخابات با رے جنرل نگران، پولیس نگران تے اخراجات با رے نگرانان غی اک میٹنگ منعقد ہوئی ہے۔

*3۔ سینئر کانگریس لیڈر تے لوک سبھا مانہ حزب اختلاف غا لیڈر رائل گا ندھی نے کہیو ہے جے اُن غی جماعت تے انڈیا بلاک جتنو جلد ممکن ہو سکے جموں کشمیر ناہہ ریاست غو درجو بحال کروانو یقینی بنان پارے پُر عزم ہے۔

*4۔ تے چیف سیکریٹری اٹل ڈلو نے اک میٹنگ غی صدارت کرتاں واں جموں کشمیر میڈیکل سپلانز کا رپوریشن لمیٹڈ صحت تے خاندانی بہبود با رے محکمہ اور ڈرگ کنٹرولر تنظیم غا کم کاج غو جائزولیو ہے۔

خبران غی تفصیل نال پہلاں عبدالرحمن۔

DG BSF IB

بی ایس ایف غا ڈائریکٹر جنرل دلجیت سنگھ چودھری نے اج ضلع جموں غا اگلا سرحدی علاقہ گو دورو لا غے کا روائی تیاریاں تے صورتحال غو جائزولیو۔ اپنا اس دورہ غے دوران جناب چودھری نے حفاظتی دستاں سنگ تفصیلی گل بات کر غے سرحدی علاقہ غی حفاظتی صورتحال با رے اعلیٰ سطح غا افسران کولوں جانکا ری حاصل کی۔ قابل ذکر ہے جے بی ایس ایف غا ڈائریکٹر جنرل غو عہدو سنبھالان تیں بعد اُن غو جموں گا سرحدی علاقہ گو یوہ پہلو دورو ہے۔ جموں کٹھوعہ رینج گا ڈی آئی جی شیو کمار نے وی جناب چودھری سنگ سرحدی پنسر پوسٹ ور ملاقات کر غے حفاظتی صورتحال بارے گل بات کی۔ یا درہ جے بی ایس ایف غا ڈائریکٹر غو یوہ دورو جموں کشمیر مانہ اسمبلی چناؤ توں پہلاں ہو وے۔ جہڑا جے 3 مرحلاں مانہ کرایا جائیں گا۔ اس سلسلہ مانہ بین القوامی سرحد ور تے قبضہ لکیر ور حفاظتی انتظامات مزید بدھایا گیا ہیں اور حفاظتی اہلکاران غی اضافی تعیناتی کی گئی ہے جس مانہ ہالیہ 1 ہزار تربیت یافتہ بی ایس ایف گا جوان وی شامل ہیں جن ناہہ دیہی راکھاں غی وی مدد حاصل ہے۔

EC Observer Meeting

جموں کشمیر یوٹی تے ہریانہ ریاست اسمبلی انتخابات غے پیش نظر اج نوی دہلی مانہ جنرل ابزروران غی میٹنگ ہوئی۔ اس جنرل میٹنگ مانہ پولیس ابزرور تے اخراجات با رے نگران ابزرور نے شمولیت کی۔ اس میٹنگ مانہ بھارتی چناؤ کمشنر راجیو کمار تے چناؤ کمشنر جن مانہ گیا نیش کمار تے ڈاکٹر سکبھیر سندھو نے ہریانہ تے جموں کشمیر مانہ ہون آلا چناؤ غے پیش نظر ابزرور ورز ناہہ دسیو بھالیو۔ بھارتی چناؤ کمیشن راجیو کمار نے کہیو ہے جے جموں کشمیر یوٹی تے ہریانہ مانہ صاف و شفاف چناؤ کرایا جائیں گا۔

جناب راجیو نے مزید کہیو جے جموں غا لوکاں مانہہ اسمبلی چناؤ ہون غے پیش نظر کا
فی خوشی ہے۔

DEO Doda

ضلع ڈوڈہ مانہہ پہلا مرحلہ مانہہ ہون آلا اسمبلی انتخابات واسطے تمام تیا ریں اپنا آخری
مرحلہ مانہہ چل رہی ہیں تے اس سلسلہ مانہہ تمام ضروری بندو بست مکمل ہون غے نیڑے
ہیں۔ ضلع چناؤ افسر ڈوڈہ ہرویندر سنگھ نے تمام سیا سی پارٹیاں غا نمائنداں غے سامنے چناؤ
مانہہ استعمال ہون آلی مشین جن مانہہ الیکٹرانک ووٹینگ مشین تے وی وی پیٹ شامل ہیں
ان نانہہ حفاظتی انتظامات غے بشکار حفاظت آلا کمران مانہہ رکھیو۔ اس سلسلہ مانہہ مہارا
ضلع نمائندہ فیاض پامپوری سنگ گل کرتاں وان ضلع چناؤ افسر ہرویندر سنگھ نے اس طرح
کہیو۔۔۔ باٹ۔۔۔

DEO Jammu Meet

ضلع چناؤ افسر جموں سچن کمار ویشے نے اج ضلع جموں غا صدر مقام ور بکھ بکھ سیا
سی جماعتاں سنگ منسلک عہدیداراں سنگ چناؤ غے پیش نظر اک میٹنگ کر غے ضلع
مانہہ اسمبلی چناؤ نانہہ صاف و شفاف کران بارے گل بات کی۔ اس میٹنگ مانہہ مثالی
ضابطہ اخلاق نانہہ ضلع مانہہ سختی سنگ لاگو کر غے صاف و شفاف چناؤ کران بارے وی
گل بات کی گئی۔ بکھ بکھ سیا سی پارٹیاں گا نمائنداں غی طرفوں دیتا وا سجھاؤ نانہہ وی
ضلع چناؤ افسر نے غور نال سنیو تے ان ور عمل کرن واسطے لکھیو۔ چناؤ افسر نے سیا سی
جماعتاں غا لیڈراں نانہہ یقین دھانی کرائی جے ضلع انتظامیہ صاف و شفاف چناؤ کران
واسطے وعدہ بند ہے۔ انہاں نے مزید کہیو جے چناؤ کران غا سلسلہ مانہہ تمام تر ضروری
اقدامات مکمل کیا جا رہیا ہیں۔ اس سلسلہ مانہہ ضلع چناؤ افسر سچن کمار ویشے نے اس
طرح کہیو۔۔۔ باٹ۔۔۔

Mahila Chaupal Reasi

کالسریں سماج نانہہ مضبوط بنان واسطے اک ذمہ دار ستون منی جا ئیں۔ کالسریاں غو سماج
ی، ثقافتی تے معاشی ترقی واسطے کم سب غے باندے ہیں تے اسے طرح کالسریاں غی
انتخابی عمل مانہہ حصو لینو جمہوریت واسطے مچ ضروری ہے۔ خواتین غا انتخابی عمل
نانہہ بدھان تے ان غی اس انتخابی عمل مانہہ شرکت نانہہ لازمی بنان واسطے اک نوو قدم
چاتاں وان مہیلا چوپال علاقان مانہہ منعقد کرایا جا رہیا ہیں۔ جس نال کالسریاں اپنا ووٹ غی
قیمت جان سکیں جے ان غو ووٹ جمہوری ملک مانہہ کتنو قیمتی ہے یہ چوپال خاص طو
ر ور کالسریاں واسطے لایا جا رہیا ہیں۔ تانجے علاقان غی کالسریاں نانہہ ان غا ووٹ غا
اندراج کران بارے ان نانہہ مقامی زبانان مانہہ دسیو جاسکے۔ اس سلسلہ مانہہ مہارا ضلع
نمائندہ سنگ گل کرتاں وان بچہ ترقیات پروجیکٹ افسر مہک مہاجن تے تحصیلدار
بھوماگ نے اس طرح کہیو۔۔۔ باٹ۔۔۔

SVEEP Poonch

اسمبلی انتخابات غے پیش نظر ضلع پونچھ غا ماڈل ہائر سکینڈری اسکول جھلا س مانہہ
اک بیداری پروگرام گو انعقاد کر غے سویپ مہم غے تحت ووٹ کھن آلا طالب علماں مانہہ
جانکاری فراہم کی گئی۔ اس پروگرام مانہہ متی تعداد مانہہ طالب علماں نے شمولیت کی۔ قابل

ذکر ہے جسے اس پروگرام کی صدارت سویپ غا ممبر راجندر سنگھ کر رہا تھا۔ جد کہ اسکول گا پرنسپل مہمان خصوصی غا طور ور موجود تھا۔ اس تقریب مانہ پہلی دفعہ ووٹ کھلن آلا اک طالب علم نے اس طرح کہیو۔۔

یہ خبر تم آکاشوانی جموں تیں سن رہیا ہیں خبراں غا باقی حصہ نال عبدالرحمن۔

Rahul Election

سینئر کا نگریس لیڈر تے لوک سبھا مانہ حزب اختلاف گا لیڈر راہل گا ندھی نے اج کہیو ہے جسے ان کی جماعت تے انڈیا بلاک جتنو جلد ہو سکے جموں کشمیر مانہ ریاست غو درجو بحال کرن مانہ یقینی بنان بارے پُر عزم ہے۔ سرینگر مانہ ذرائع ابلاغ غے سامنے اک مختصر بیان دیتاں واں انہاں نے کہیو جسے جموں کشمیر مانہ جلد توں جلد ریاست غو درجو بحال کرن آلو معاملو کا نگریس جماعت تے انڈیا بلاک کی ترجیحات مانہ شامل ہے۔ انہاں نے کہیو جسے کا نگریس نے یاہ امید رکھی تھی جسے اسمبلی چناؤ تیں پہلاں ہی ات ریاست غو درجو دے دتو جائے گو مگر انہاں نے کہیو جسے اسمبلی چناؤ غا اعلان سنگ وے ات جمہوریت غی بحالی بارے پُر امید ہیں مگر انہاں نے اس گل مانہ ڈہرایو جسے آزادی تیں پہلی بار ایسو ہوؤ ہے جسے اک ریاست غو درجو کہتا ہے اس مانہ ہوئی بناپو گیو۔ انہاں نے کہیو جسے یوہ کا نگریس جماعت غا انتخابی منشور مانہ ہے جسے جموں کشمیر تے لداخ غا لوکاں غا جمہوری حقوق مانہ ترجیحی طور ور بحال کیو جائے۔ انہاں نے کہیو جسے وے جموں کشمیر غا لوکاں مانہ یوہ پیغام دے رہیا ہیں جسے جد کدے وی تے جت وی انہاں مانہ مہاری مدد غی ضرورت ہے تاں وے اس واسطے تیار ہیں۔ انہاں نے مزید کہیو جسے وے نفرت غا بازار مانہ عزت اور پہائی چارہ سنگ محبت غی دکان کھولنو چاویں۔ اس موقعہ وے ر گل بند کا نگریس کمیٹی گا سربراہ ملک ارجن کھرگے نے کہیو جسے مقامی لیڈراں غی رائے غی بنیاد ور اک اتحاد تیار کرن بارے کوشش جاری ہیں۔ انہاں نے کہیو جسے جموں کشمیر مانہ ریاست غو درجو دوان مانہ یقینی بنان بارے کا نگریس وے بند ہے۔

CS Health Meet

چیف سیکریٹری جناب اٹل ڈلو نے کل سرینگر مانہ محکمہ صحت غی اک میٹنگ غی صدارت کرتاں واں جموں کشمیر میڈیکل سپلائز کا رپو ریشن لمیٹیڈ یعنی جسے کے ایم ایس سی ایل صحت تے خاندانی بہبود محکمہ تے ڈرگ کنٹرولر تنظیم ڈی سی او غا کم کاج غو جائز و لیا ہے۔ میٹنگ غے دوران چیف سیکریٹری نے ہسپتالاں مانہ لازمی ادویاتی فہرست دستیابی تے گھلا بازار تیں ات دوائیاں غی شرح فیصد خرید بارے جانکاری حاصل کی۔ انہاں نے اس انحصار مانہ کہتاں تے تمام ضلعان مانہ ٹیکا کاری تے ادویات غی تقسیم کاری بارے انتظامی نظام مانہ تمام واسطے قابل قبول بنان ور زور دتو۔ اس موقعہ وے صحت تے طبی تعلیم محکمہ غا سیکریٹری ڈاکٹر سعید عابد رشید شاہ نے محکمہ غی ان شاخاں غا کم کاج بارے چیف سیکریٹری موصوف مانہ واقف کرایو۔ انہاں نے چیف سیکریٹری غی طرفوں پہلاں تیں محکمہ واسطے جاری ہدایات ور عمل درآمد بارے وی جانکاری دتی۔

President Vigyan Puraskar

صدر جمہوریہ محترمہ درویدی مرمو نے اج راشٹریتی بھون مانہ نامور تے ممتاز سائنسداناں مانہ راشٹریہ ویگیان پُرسکار 2024 سنگ نوازیو۔ اس موقعہ وے صدر جمہو

ریہ غی طرفوں پروفیسر گو ویند راجن پدما نا بہان نانہہ ویگیان رتن 2024 غا اعزاز سنگ نوازیو گیو ہے۔ اسے طرح ڈاکٹر انندہ راما کرشنا نے ذرعی میدان مانہہ ویگیان شری اعزاز حاصل کیو ہے۔ ڈاکٹر آویش کمار تیا گی جہیڑا کہ بابا ایٹمی کھوج مرکز یعنی بی اے آر سی ممبئی تیں ہیں انہاں نانہہ ایٹمی توانائی غا میدان مانہہ ویگیان شری اعزاز دتو گیو ہے۔ تے سائنسی تعلیم و تحقیق با رے بہارتیہ ادارہ یعنی آئی آئی ایس ای آر پونے تیں پروفیسر جیانت بہالا چندرہ ادگائینکر نانہہ حیاتیاتی سائنس غا میدان مانہہ ویگیان شری غا اعزاز تیں نوازیو گیو ہے۔

India UN

اقوام متحدہ حفاظتی کونسل مانہہ افریقہ غا مستقل ممبر بنن غی مخالفت کرن آلاں نانہہ بہارت نے نظر انداز کرن با رے کہیو ہے۔ کیونجے افریقہ نانہہ اُس غو صحیح مقام ملن تیں محروم کیو جا رہیو ہے۔ اقوام متحدہ مانہہ بہارتیہ مشن با رے معاملات غو چارج سنبھالن آلا جناب آر رویندرہ نے کہیو ہے کہ اقوام متحدہ حفاظتی کونسل مانہہ مستقل ممبر ڈمرہ غی نمائندگی تیں افریقہ نانہہ محروم رکھنو اس کو نسل غی سانجھی ساکھ ور اک دھبو ہے۔ وے کو نسل غا صدر سیرہ لیون غی طرفوں منعقدہ اعلیٰ سطحی 16 کھلا مباحثہ بہ عنوان ”امن پیدا کرنو تے پائیدار امن“ مانہہ بول رہیا تھا۔ اس اعلیٰ سطحی کھلا مباحثہ مانہہ بولتاں واں انہاں نے کہیو جے دہشت گردی اک عالمی للکار ہے نہ صرف امن تے حفاظت نانہہ بلکہ ترقیات نانہہ وی۔ انہاں نے مربوط بین القوامی انسداد دہشت گردی کنونشن با رے بہارت غی مانگ نانہہ وی ڈہرایو۔

اس غے نال ہی خبراں غو یوہ بلیٹن ختم ہوؤ۔